



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ИЮНЬ
14-це шистонза
1941 кизоня
66(1862)
Питнец 10 тр.

ВАНДЫ УШЕДЫ ПРОФСОЮЗНО-КОМСОМОЛЬСКИЙ КРОССЪ

Ванды, профсоюзно-комсомольский кроссонь шить ушedomанц эзда, сядот и тежяты юноша и стирня арайхть старте пересеченной вастова ласкoma, штоба нинге весть демонстрировандаме родинать инголе эсь анокшиснон.

Кроссонь шитне Ленинско-Сталинский комсомолти и аф союзнай од ломаттнеendi арайхть сембодонга весяла и радостнай праздниконь шикс, сяс мес спортсь од ломаттнеень ётка арась инь кельгома, инь интереснай тевкс.

Ютафневи кроссть значениц родинаньконди пяк оцю. Сон аф аныпек кемокнесыне кроссонь участникнеень лувксон и няфнесы выносливостьсон, сон тяфта жа максы оцю лезкс минь доблестнай Якстерь Армияньконди будущей схваткаса империализмат каршес, максы возможность сядонга вяри кеподемс производстваса, колхозса и учрежденияса трудть производительности.

Мордовиять территориясонза тя ответственнай мероприятияс ётафневи ся пингста, мзярда колхознай социалистический паксятнеень эса моли напряженный трудсь, а кой-кона школатне нинге аф пед-пес аделаьз проверочно-выпускной испытаниятнеень. Тянь инкса ВЛКСМ-нь эрь райкомсь и горкомсь должен лувомс тяфтама обстоятельством сембе ширензон местнай условиятнеень эзда и ладамс кемеграфик эрь комсомольский первичнай организация.

Пингсь, кона ульсь максф ВЦСПС-нь и ВЛКСМ-нь ЦК-ть постановленияса тренировкади, нюрхьяне, а сянь инкса сон велсь напряженный и систематический тренировка кроссонь эрь участникть ширде. Сят, кит исть ёта необходимай тренировка, кроссти нолдафт аф улихть. Тянь колга пяк яс-

на азф ВЦСПС-ть и ВЛКСМ-нь ЦК-ть постановлениясост.

ВЛКСМ-нь Мордовский обкомсь эсь постановлениясонза 1941 кизонь июнь 5-це шинц эзда профсоюзно-комсомольский кроссть колга сембе ВЛКСМ-нь райкомтнеень, горкомтнеень и первичнай комсомольский организациятнеень обязал марса профсоюзнай и физкультурнай организациятнеень мархта шарфтомс особай мяль участникнеень анокламаснон и тренировкаснон шири, обеспечивадамс сембе комсомолечнеень, профсоюзонь члеттнеень и аф союзнай од ломаттнеень кросса участияснон. Тя значит, што эрь комсомолецсь, эрь профсоюзонь членць и эрь аф союзнай од ломанць должен улеме кроссонь участник, должен ётамс установленнай тейнза дистанциять, а тянь мархта касы ГТО-нь и ВГТО-нь значиксонь лувксес.

Лама района Мордовияса кроссть васьфнесазь чебарьста аноклафта. Сят ВЛКСМ-нь райкомтне и горкомтне, конат лыжной кроссть и гимнастический соревнованиятнеень эса ламода лядонць фталу, тани лувозь синь сят аф сатыксенень и кроссть васьфнесазь чебарьста и организованайста.

Лыжной комсомольский кросса Мордовский республикась заялзе 13-це вастсь, а гимнастический соревнованиятнеень эса автономнай, областной и краевой комсомольский организациятнеень ётка заялзе колмоце вастсь. Нат заныф вастс-не аф калдыфт, синь сатфт эрь комсомолецть оцю тренировкади и инициативанц вельде.

Тяни жа арси аф отложнай задача кроссонь эрь участникть инголе, штоба ётай сатфксенень кемокстамс и сатомс сядонга чебарь и оцю сатфкст—тя ули гордостекс минь республиканьконди.

Радостнайста аделаьз тонафнемаснон

Чебарьста аделаьз тонафнемаснон кизоть Каньгуж релень средняй школарь пионерхне: Кирдяева Марфась, Кирдяев Василийсь, Икомасов Алексейсь, Кирдяшкина Акиньясь, Шум-

кина Еленась, Полунина Еленась. Синь тонафнесть кизоньберьф аныпек отличнай отметка мархта. Ня ученикне испытаниятнеенге максозь отличнайста и чебарьста.

ВКП(б)-нь Мордовский обкомть пленумоц

Июнь 11—12 шинзон эзда ульсь ВКП(б)-нь Мордовский обкомть VIII-це пленумоц. Пленумса ульсь ВКП(б)-нь райкомонь секретарьхне и райсоветонь исполкомтнеень председателисна.

Пленумсь обсудил кизефкст: тундань видеать итогонза, сёронь урядамат анокламаса и сонь ётафтомасонза, сельскохозяйственной продукцатнеень заготовкаса задакатне. «Мордовский АССР-га сельскохозяйственной культуратнеень производственон и животноводствать эзда продуктивностьть касфтоманкса колхозникнеень трудсон пингса дополнительной пандомать колга» СССР-нь Совнаркомть и ВКП(б)-нь ЦК-ть постановленияснон пашкодемац. Краснослободский и Торбеевский райоттнеень эзда. Кинь тиёмась Мордовский АССР-са.

Пленумсь ня кизефксенень коряс лихть соответствующай решеният.



Майть кафксоце шистонза Химкинский водохранилища (Моску) стартовал Северу «СССР Н—243» лии лодкас. Сонь эсонзатусь ледовой разведкас известный полярный летчиксь М. И. Козлов орденоносецсь. Экипажсь кармай улема Арктикаса октябрь ковти.

СНИМКАСА: (кержи ширеста види шири): Лии лодкаць командироц М. И. Козловсь, емобоцсь Н. Л. Сыровкваша пилотсь и Н. М. Жуков штурманць.

Фотось А. Межуевть.

(Фотохроникась ТАСС-ть).

АНОКТАМА ВИЙНЬКОНЬ НЯФТЕМАНЦЫ

Саранский райононь 72 первичнай комсомольский организация вишкета анокласть профсоюзно-комсомольский кроссти. Ня организациянь комсомолечнеень мархта тренировандасть и аф союзнай од ломаттне. Кроссти анокласть колга кизефкс пугфоль ВЛКСМ-нь райкомть пленумсонза, ульсь максф первичнай комсомольский организациянь секретарьхненди инструктаж. ВЛКСМ-нь райкомть пленумонь членонза кемокстафт первичнай организация.

Свяжень райконтонань комсомолечне ётафтсть ниле тренировочнай занятият. Ня занятиятнеень эса ульсь аф союзнай од ломатть. Кедрова комсомолкас 500 метрас дистанциять ласкоче 1 минутань и 44 секундань пингста, а Цы-

ганов комсомолецсь фкя километрать—колма минутаста 15 секундаста.

Аф калдываста аноклайхть кроссти колхознай комсомольский организациятне. «17 лет Октября» колхозонь комсомольский организациясь (секретарь Зайцева ялгась) ётафтсь кота тренировочнай занятият. Атемарский комсомольский организациясь (секретарь Ручина ялгась) фатязень тренировкаса аф аныпек комсомолечнеень, но и сембе аф союзнай од ломаттнеень.

Сонць Ручина ялгась 500 метрать ласкоче 1 минутань 40 секундань пингста. «Канат» артеленъ комсомолечне и аф союзнай од ломаттне васьфтезь тя важнейшай мероприятиять сембе ширде анокста. Алексеев.

ЭРЬ ШИНЯ—ФКЯ ЧАСТ

Чебарь результаттнеень сатомаснонды профсоюзно-комсомольский кросса инь главнайкс ащи тщательнайста анокламась. Аныпек эрь шинь тренировать вельде можна тежяста ётамс максф дистанциять.

Мордовторгонь первичнай комсомольский организациянь комсомолечне (секретарь Настин ялгась) анокламань работать ушедозь группань пуротомать эзда. Сембоц комсомо-

лестя тя организацияса 22, конат явфт кафта группава. Группатнеendi командиркс кемокстафт инь чебарь комсомолечне Настинць и Холоповась.

Тяниень пингть ётафневихть тренировочнай занятият, эрь шиня 1 част. Кросса кармайхть участвовандама тяфта жа од ломаттневок.

Молчанов.

Саранск ош.

НИЛЕНЬ ОБОРОНАЙ ЗНАЧОКСНА

Шумбра пополнения доблестнай Якстерь Армиять и Военно-Морской Флотть рядонзонды максы Тумановка велесь. Призывникне лац содасазь военнай тевть и кажнайть 4 значоконза.

Но аф сатомкаста призыв-

никнеень мархта работай Од рузонь Пашад велень осоавиахимский организациясь. Сонь председателец Фидюшин яльне аф содасыне, кодама призывникт тейнза кемокстафт.

Д. Ломакин.

Пурдошанский р-н.

ВЛКСМ-нь ГОРКОМТЬ ПЛЕНУМОЦ

Тя кизонь июнь 13-це шистонза ушедозе работанц ВЛКСМ-нь Саранский горкомть пленумоц.

Пленумсь обсудил колма кизефкст:

1. Пропагандат и агитацият состояниязь ошень комсомольский организацияса.
2. Кизонь пингста иттнеень ётка работась.
3. Организационнай кизефкст. Сембе колмоцьке кизефксенень коряс пленумсь примай решеният.

КОМСОМОЛЬСКИЙ ЗВЕНАСЬ

Руководствондамок 18-це партконференциять решениязон мархта, «16-це партсьезд» колхозонь комсомольский организациясь чебарьгофтозе колхозть эса эсь работанц. 9 комсомолечнеень эзда кафксоце работайхть колхознай производстваса.

Комсомольский организациясь организовандасть комсомольско од ломанень звена, коса 4 комсомолецт и 12 аф союзнай од ломань.

Колхозса комсомольский звенась няфни инь чебарь показательхть. Аф ваномок калдыв погодать лангс, 45,9 гектар видемань площаденц аделаьз сембода инголе.

Комсомольский звенась эсь участказонза видесь 4 гектархт сура, 14,4 гектархт пинем, 8 гектархт вика, 10 гектархт тозер, 2,5 гектархт иляназ и 5 гектархт модамарь.

Няфнемок трудонь оцю производительность, комсомолечне тисть ни 150 ламонь трудоши.

Ив. Почтов.

Рыбинский р-н.

УЛЬХТЯМА КВАЛИФИЦИРОВАННОЙ РАБОЧАЙКС!

Минь мяленьке

Юношась или стирнясь аде-лазе сисемце классь. Синь инго-леста ащи кели ки. Аньцек улеза мяльце тонафнемс. Эсь цельцень сатоманити минцонк улихть сембе условияне. И аф стак минь школьниконьке, аделамок тонафнемаснон, мечтают са-томс инь различной профессия, арьсикхть, кодама тевса синь максыхть сядя лама пользада.

Вов Порапа велень аф пол-най средний школань инголь-дены ученикне. Синь аделазь аф полной средний школать и тьян арьсикхть сян колга, ко-дама учебнай заведенияс мо-лемс тонафнема.

Михеев Борятя мялец улемс авиациянь техникос. Тя про-фессиять лувондсы эстейнза инь почетнайкс и цебарькс. Тянка сон тьяникиге кучезень документонзон Харьковскый авиационнай училищав. Петя Ковайкинти паяк кельгови учи-телен интереснай работась. Воспитандамс касыкс поколе-ниять коммунизмань духса, максомс трудовой народть идензонды образования — тя почетнай и ответственный тев. Петясь шарьхкодсь, што пе-дагогический работась веши лама содамашида. Сон аф пол-най средний школаса сясь лама содамашида — школать аделазе отличнайста тонафнезь. Тьян мялец модемс тонафнема Зубо-во-Полянский педагогический училищав.

Лама ученик охотнайста ёрайхть получае промышлен-ностень квалифицированной рабочайн лем. Улемс цебарь токарькс, слесарькс, электро-монтеркс — тя тейст ари инь важнай задакас тьяниень пингть.

Сергин.

Ковылкинский район.

КЕЛЬГОВИКС ПРОФЕССИЯТИ ПУТЕВКА

Егоронди ламос мяляфто-вихть брадонц валонза сян колга, што макс эряфти сем-бонь, мезе можеш, эста аньцек улят родинати полезнай ло-манькс. Тяфта тонафнесь эсон-за брадонц, кона мужественнай-ста тюрв японскый захватчик-нень каршес Хасан эрьхкть маласа. Егорсь сидеста корх-несь: «Да, брадозе аралазе Ро-динать, тись оцю тев, а мон мзярда улян совь лаонза». Пингсь ётнесь, Егорсь касондсь и арьсесь сядя серьезнайкс. Вов тядде топодсь кемготува киза. Но кодама жа кочкай эстейнза призвания тя юно-шась. Кунара ульсь мялоц араме слесарькс.

И вов, кода сонь павазонцы, аф кунара ушедсь призывсь фабрично-заводской обученинь школав. Аф учесомк ламос, Егорсь максесь заявления, што-ба сонь прималезь фабрично-заводской обученинь школав тонафнема.

Оцю радость кандсь июньт васенце шип, мзярда сёрмань каннись венептезе тейнза по-весткать призывной комиссияс молемасть колга. Лувозе повесткать и арьсеманзон-ды аш пе, кармась срхкама Шайговав. Но комиссияв тер-дезь вете шиде меле. Аф учем-шкат ульсь нят шитне, эрь шись синь эздост марьясь ки-зокс. И вов ся шись. Егорсь тусь и кайги вайгяльса азозень «Ламос и паяк учф шись сась» валхнень.

Лисеомк родной веленц, Саргат няевихть инголенза колхозть видеф паксынза. Вдь сонга тязя путсь труд. Вдь сонге лемоц оцю урожайнка тюрхнень

ёткса. А вов сядя тов вирнясь, конань лопаниянза васень, це-барь кизонь шитнень пингста сенгарьгодств. Пилезонза пачкотькшнесь нармощнень мелодичнайста морамасна. А седисонза волнения. Тоса ки-зефкесь «улян примаф или аф» учсь ответ. Но тя ответь учамацты пингта ульсь лама, кафта, а можеть и колма частт...Панчфне марьгат ёрасть максомс тя мучендай кизефк-ти ответ. Синь шиненасна це-барьгофнезь кожфть.

И вов пачкодсь. Йотась аф лама пинге, призывной ко-миссияв сась лама кемотть сонь лаонза жизнерадостнай, вию колхознай од ломатть. Ляткшникхть минутат, мзярда сергядьсась комнати, коса работай районнай призывной комиссияс.

И вов панжезь кенькшть, лисесь ломань, кона панчсесь кенькшть, кодак ётасы комис-сиять призывниксь. Сембе при-зывникнень аш кашт молисна, учть, кинь сергядьсась.

— Алямки Егор! — ювадсть. Эряскодозь стясь скомять лангста и сувась комиссияв. Врачсь кармась содамонза сонь шумбрашниц.

«Организмац кеме, цёрась шумбра». И тя ульсь сонь мархтонза васьфть паяк ра-достнайста, оцю паваз марх-та. Отвечась Егорсь «Спасибя, ялгат!» валса. И нинге азсь: «Надияда лангзон, што мон тя оцю заботать лангс отве-чан отличнайста тонафнема-са, улян цебарь слесарькс»

Тяфта получаь сон путе-ка тейнза кельговикс, про-фессиянь кити.

С. М. Алямки.

ИНЬ ЦЕБАРЬ ЮНОШАТНЕНЬ

Тонафнемс фабрично-завод-ской школаса — тя оцю ра-дость. Именна тя радость эрь юношась седиса.

Призывсь, кона моли тьяниень пингть, няфнесь, што ломатне, конат максихть заявления, ёрайхть честна тонафнемс, а тоса работае сембе вийса минь социалистический промышлен-ностеньконь сядатоволдонь ке-мокстаманц инкса.

Исарскый районца призы-вонь васенце кафта шитнень пингста пашкотьф 63 юношань мяль, примафт тонафнема фаб-рично-заводской обученинь школав. Аньцек фкя — Рысина велеста призваннайхть вете ло-матть. Сембе синь каннесазь и оправдають комсомолонь членонь лёмть; сембе эсь работань уча-сткасост няфнесь трудонь оцю производительность, дисципли-нированность кепотькст.

Тяфта жа лама призваннай Арбузовка велеста. Синьтюрин ялгас, конань энальдеманц пашкодесе призывной комис-сиясь, честна и добросовестна пашкотькшнесазь тейнза пору-ченной работать.

Фкя валса азомс — наборсь паяк цебарь. И синь эздост то-нафнемазь аделамда меле минь промышленностеньке получаь квалифицированной рабочайн замечательнай пополнения.

Семенов.

ОТМЕТКАСНА ОТЛИЧНАЙХТЬ

Сире Иса Прянь средний шко-лань 9-це классь сась инь це-барь сатфкст. Тя классонь уче-никне преподавательнень ру-ководстваснон вельде ки-зоньберьф кочкасть лама содамаши, кона сатф упорнай-ста работамать вельде.

Паяк касеть отличниконь и ударниконь рятне. Антонова Таясь, Лепенкина Нюрась, Семенова Дусась, Кобелькова Женьясь, Цангина Ваясь, Воронкова Розась, Талышкина Ленась, серьезнайста работа-мок программнай материалть тонафнеманц лангса, провероч-най испытанийтнень пингста няфтеть кеме содамаши, полу-часть сембе дисциплинатнень коряс аньцек отличнай отмет-кат.

Тяка жа класса аф кржа ученик материалть тонадозь цебарьста.

Но эряви азомс, што лия класснень эзга мушендовихть ученикт, конатнень кафтонь и сядя ламонь калдыв отметка-сна. Синь аф аккуратнайста пашкотькшнесазь куду максф заданийтнень, аф вниматель-найста кулхцонткшнесазь учи-тельнень беседаснон. На уче-никне испытанийтнень пингста няфтезь эсь волашиснон.

В. Москалев.

Исарскый район.

ВЕСЯЛА КАНИКУЛАТ

Сась весяла, лямбе кизось. Сембе шuftоняне шазь-ка-рязь парьхциень нарядснон. Вирьхнень эзга нармощне ла-дязь музыкаснон, лаяса эше-лямс эжсь ведсь. Тонафнемок отличнайста и цебарьста, пио-нерхне кармаихть каникулат-нень пингста ваймама.

Морд. Козловкань средний школань пионерхне анок-лайхть кизонь пионерскый лагерьхненди, коса кармаихть разумнайста ваймама и саяк

пингть содамашиснон касфтома. Лагерьхнень эса кармаихть занимадама физкультураса и спорта, ушедыхть тонафне-монза районть.

Пионерхне М. Волковась, А. Шишкановась, А. Федоровась, О. Волковась, Д. Волковась географиянь преподавательть Зараевать руководстванц ала лагери аноклайхть географи-ческий картат, глобус, атласт.

Евг. Голосницкий.

Атюрьевскый район.

ФИЗКУЛЬТУРНАЙ ДВИЖЕНИЯСЬ МОРДОВИЯСА

Партиясь и правительствась фалу няфнесь и няфнихть оцю забота физкультурникнень колга. 1939 кизоня физкуль-турниконь единай шить ладя-мац — тя од забота физкуль-турнай движениять колга. 1938 кизоне физкультурать и спортть вишконтемаснонды ульсь нолдаф 600 миллион цалковай, тя 3,5 крда сядя лама царскый правительствать 1913 кизоня просвещенияи расходовандаманц коряс.

Революцияда инголе ульсь аньцек 20 спортивнай клуб. Тьян минцонк лувондови 700 стадион, 7,5 тейжыть спорт-площадка, 5000-да лама вод-най станция, 6000 лыжнай станция, 6 институт, 25 физ-культурнай техникум, 8 педагогический учили-пат физкультурнай отделения мархта. Аньцек социализмань странаса возможнай физкуль-турнай движениять тьятама вишкоммац и сонь инголенза путф задачатнень пашкодесна. Советскый Союзса 10 мил-лионда лама ломань фатяф спорта. Минцонк физкульту-рась и спортсь ащи вию сред-

стваке од поколениять физи-ческий виинц кемокстамаса.

Мордовскый од ломатнень прошлайсна — палесвачеда эря-ма. Аф эсь вийс коре трудсь од ломатнень калекакс тиендесень капиталистонь пред-приятява, кулакть ширеса, помещикнень и монастырхнень усадьбасост работазь.

Мордовскый од ломатнень, конат ульсь люшштафт каф-тонь крда русскый и нацио-нальной буржуазиять гнет-снон ала, ёфси ашель кодамо-вок возможностьна культур-най уровеньнон касфтома, ашельхть кодамовок шарьхо-демасна физкультурать и спортть колга. А тьян Мордо-вияса аньцек 1940 кизоня аноклаф ГТО-нь и БГТО-нь значикста 3.561 ломань. Лыж-най и пешай комсомольскый кросснень эса участвовандась 3.3000 ломань, синь эздост 25.000 максозь ГТО-нь зна-чокс норматнень. Республикат эса гимнастический соревнова-нияса участвовандась 41.568 ломань, конатнень эзда 39.742 максозь норматнень.

Кда Октябрьскый революци-

яда инголе Мордовияса ашель фкявок спортивнай площадка, то тьян 1941 кизонь майть 1-це шипц самс, аф полной даннайн коряс, лувондови 142 вoleyбольнай площадка, 27 футбольнай пакса, 10 баскет-больнай площадкат. Саранскый строяви цебарь стадион, коза тьялги 5000 да лама ломань.

Мекольдены пингть респуб-ликаць эзга массовой спортив-най работась сядя цебарьгодсь, спортивной техникась ламода вярй кеподсь ётай кизотнень коряс.

1940—1941 кизотнень эзда спортть отдельнай видонзон коряс Мордовиять эзга ладяф 15-да лама республиканскый рекорд. Березниковскый райо-нень «Спартак» общества Прохоров ялгась 2 минутань 55,5 секундань пингста ласькс 1000 метра. Саранскыйн «Учи-тель» общества Реброва ял-гась ёрдазе гранатать 34 мет-рань 60 сантиметрань васте. Саранскыйн «Спартакса» На-зарова ялгась велосипедса 48 минутаста 23 секундаста ётась 20 километра, Чебураевсь 42 минутаста 27 секундаста вои-низированнойста лыжаса ётась 60 километрат; Маслова ялгась

тялонь сезонца тись респуб-ликанскый кафта рекортт: сон 54 минутаста 42 секундаста ётась лыжаса 10 километрат и ётась 5 километрат военизи-рованной 29 минутаста 41 се-кундаста; Рузаевкань «Локомо-тив» общества Коннов ял-гась велосипедса ётась 1 час-тонь 53 минутань пингста 50 километра. Аньцек 1941 кизо-не республикат эзга аноклаф Всесоюзнай разрядонь 317 лыжник.

«Улемс физически подвиж-найкс, бодрайкс, виюкс и шум-бракс — тя паяк важнай социа-лизмань странань эрь боец-ти» — корхтай Оборонань На-роднай Комиссарсь Советскый Союзонь маршалсь Геройсь С. К. Тимошенко.

Спортивной занятиятне лез-дыхть трудть производите-лестенц касфтома, што це-барь физкультурниксь ванды арай отличнай боецокс — тя мильс кемоста сувась роди-наньконь трудячайнзон созна-нияс.

Ня сатфкне минь респуб-ликасонк аф педа-пес нинге пашкотькшнесазь од ломат-тнень потребностьснон, сембо-да паяк велева. Эряви сатомс

сянь, штоба эрь колхозса, сов-хозса, МТС-са, МТМ-са улехть тифт спортивной площадкат, эряви сатомс сян, штоба профсоюзнай и комсомольскый организациятне эсь планцост и отчетсост путнелезь физиче-ский культуать колга ки-зефксть. Физкультурань и спортонь тейнень коряс рес-публиканскый комитетсь дол-жен араме трудячай массат-нень ётка физкультурнай движениять келептемаса руко-водящай органке.

ВЦСПС-сь и ВЛКСМ-нь ЦК-сь решили июньт 15-це шипи э-да 30-це шипиты самс ётафтомс массовой профсоюзно-комсо-мольскый кросс, коса должен республикаса участвовдамаса фатавомс аф фкя кемонь те-жянь од ломань.

Аш кодамовок сомнения, што партийнай комсомольскый организациятнень руководст-васнон ала Мордовияса физи-ческий культуарь сатсы авто-номнай и союзнай республи-катнень эса васенце васттнень эзда фкять.

С. Купер,

«Спартак» обществать пред-седателец.

Саранск шо.

Отличнайста тонафнеме, разумнайста вайматама!

ПОХВАЛЬНАЯ ГРАМОТА

Будемаянтненъ эзга омбоце этажста валгитхъ Пескова Любась и Чикина Людмила. Синь няевсть кенардфста, трвасна мзлдсть.

— Ну, кода, Людмила, мекольдены дисциплинировать максыть?—вдруг корхтазевсь Любась.

— Бта лац,—отвечань сембе кизефксненъ ланге. Аньцек аф содаса, кодама отметка пугитхъ.

Синь валгитхъ алу и озасть школьной перестаскомня ланге, кажнайс кати-мезе арьсесь, ванондсь сенем, душфтома мезельти и перьфпальге касы шуфтонятненъ шири.

— Нийсак, Люба, шуфтонятня кармасть лопаяма. Аф лама пинге лядсь, мзярда сотсась эсь сянгя кели шальсон и кармайхъ дивандафнемост алгаст ётай ломаттненъ.

Но Любась твяди афи кулхонды, соньмяльсонза фкя, кодама отметка пугитхъ тачи испытанияса физикать коряс.

— Людмила, тон содасак сянь, мзяра труд мон пугонь физикать тонафнеманцы, эрявсь содамс эрь законть. Сяконь инкса и пичедень, штоба содамс сонь цебарьста.

— Да, Люба, соньфтемонза минь эпохастонк ковга аф тугит. Сон васенце вастть эса, эряфть эса ингольценъ рядса аськолять.

— Ся пара, Людмила, аньцек аф содаса кодама отметка пугитхъ тейнь.

И ня валсон мархта тугитхъ куду. Вельксост уйть паргана душянт, но синь срадонсть сембе шири и няевсь, што курок ёфси юмайхъ светть келес.

9-це части сембе ученикне пугомсть школав. Кажнайть седиец стукай: вдь тачи азсась, кода кажнайс максозень испытаниятненъ. Сятка, конат кизоньберьф тонафнестъ отличнай отметка мархта, волновандазъ учихть.

Мзярда суvasь класснай руководителсь, ученикненъ сельмеванфсна шарффтотхъ сонь кидьсонза каготтненъ ланге. Шумбракстомда меле учительнипасъ ушедсь азондомост, кие кода максозень испытаниятненъ.

— Пескова Люба. Кафкса испытаният—получась 8 отличнай отметкат, максеве тейнза похвальнай грамота.

Любань сельмонза кармасть лаломатяштекс, шамац якс-терьгодсь, сяс мес лангозонза ванцъ сембе ученикне.

— Чикина Людмила,—тага ушедсь учительнипасъ,—сембе испытаниятненъ эса отвечась аньцек отличнай содамышиса, казендеви похвальнай грамотаса.

— Цыганова Нина,—казендеви похвальнай грамотаса.

Тоса учительсь кармасть азондомост ударникненъ, конатненъ ётка Коротков Михаилс, Крюева Антонина, Яшкова Лидияс,—Моралина Антонина и Масловасъ испытаниятненъ максозь отличнайста и цебарьста.

— Классть марнек успеваемостен 96,3 процент. Ашезень

кирде испытаниятненъ фкя ломань, сяс мес сярядсь, сонкатф сёксенди,—аделазе луво-манц класснай руководителсь.

Ученикне кенартьф седиса тугитхъ куду. Аньцек лоткасть корхнема Любась и Людмила сьика скомнать ланге.

— Конашка паваз,—корхтай Любась,—похвальнай грамотат колмонек марнек клас-сти, но Людмила сонь корх-таманц сяезе:

— Сяда оцю паваз уелъ, кда марнек классъ почетнай грамотат получаль. Сай тонаф-нема кизоня эряви старандам, штоба 10-це класса сембе то-нафнелхъ аньцек отличнай-ста. Тоса катк нийсась, кода-ма Посопский средняй шко-ласъ!

Тя долгон эрь ученикть. Со-ветский правительствасъ мак-созень сембе условиятненъ ся-кса, штоба эрь учениксь то-нафнелъ сяда цебарьста, сяволъ кеме содамышит и тьян мархта лездолъ социалистический об-щественности,—корхтай Любась.

ЦЕЛЬСЬ САТФ

Максф звонок. Суvasь рузонь кяльть коряс учительнипасъ Ивановасъ, кидьсонза контроль-най работанди кагод лист. Мельганза суvasь ассистентсь. Ученикне сетьмостъ. Ушедсь диктаентсь.

Но, мзярда Ивановасъ про-верязень контрольной работас-нон, пейдзевсь: «Вантка ке-ветиесь сёрматф ёфси фкявок эльбяткесфтома, 14 получасть цебарь отметкат, ниле посре-дственнойхъ. Аньцек меколь-день работась седиец ангор-дазъ-ангордазе—«кальдяв» эсь пакканза марьсь. Тя кальдяв отметкати туфталкс ащи ся, што работать азорон кизонь-берьф сярядсь, школав регуляр-на ашезь якав.

Рузонь кяльса устнай испы-таниятненъ максомаснон колга преподавателсь аф сяшкава пелсь. Тяся сяда кемоста на-дясъ контрольной работатненъ коряс. Устна кизоньберьф уче-никне аф стане стрададасть, кода письменна.

Лиссь васенце учениксь, от-вечась сембе кизефксненъ кар-шес. Лиссь омбоцесь...—учи-тельсь седиец сембе кенарди. Кода аф кенардемс, кда сон тейст омбоце тядясь, пугитхъ ёнц и касфтыне достойнай ломанькс, синь воспитандамас-нон инкса отвечай марнек ро-динать инголе.

Отвечать сембе ученикне. Кивок кальдяв содамышит ашезь няфте, киветие учениксь полу-часть аньцек отличнай отмет-кат.

Школатъ директорон учи-тельскяса Ивановать кизеф-тезе:

— Кода максозь?

— Кальдяв отметкат аш.

— Мон вдь марьгондён, што, кда путат оцю труд-лихтисак классть цебаренди.

ВЕСЯЛА И ПОЛЕЗНАЙ КАНИКУЛАТ

Сась весяла кизось. Приро-дасъ кармасть панжесь-панжема, школатненъ эзга аделавсть тун-дань проверочнай и выпускной испытаниятне, школьникне нолдафт каникулас, кармайхъ ваймама, штоба сай кизоня од вийса озамс парта вакес.

Интереснайста кармайхъ ётаф-немост каникулатненъ тачи кизо-ня. Школьникне нинге сяда кемоктасазь и касфсазь со-дамышиснон художественнай книганъ луводозь, экскурсиянъ, туристский, краеведческий по-ходонъ тиендзъ. Сембода крхкалгофтсазь содамышиснон географияса, биологияса, исто-рияса и литератураса; кемок-тасазь физический вийснон спорта и физкультураса за-нимадазъ, тонадыхъ физичес-кий тевса работам.

Посопонь средняй школанъ ученикне каникулатненъ ётаф-сазь весяласта и полезнайста. Синь и кармайхъ ваймама, и сяка пингть содамышиснон касф-тома; кармайхъ ётафнема экскурсият, туристский похотт, ламоц моли ваймама пионер-ский лагерьхненди, занима-дайтхъ физкультураса и спорт-са.

Июнь 17-це шистонза 8-це и 9-це классонъ ученикне пре-подаватель В. Н. Петрушин ялгать руководстванц ала ти-хитхъ поход Посопъ эзда вос-ток шири таргави сторожевой земляной валть эзга, конань нинге тифнезе Иван Грозный Ногайский племятненъ эзда мордватненъ модаснон ара-ламманкса. Ученикне похода то-нафнесазь тачи валть, кода Мор-довиятхъ исторический памят-никонц. Сон лама максы со-дамышидатейст историса. Тя-да башка васедихъ лама ин-тереснай явления мархта.

Мордовиятхъ прошлайц пях козя, сон цяшкс интереснай памятникта, конат нинге алак исследовандакт. Лама полезнай ископаемайда, козе животнай и растительнай миропка, и ня похоттненъ эса школьникне долгсна исследовандам синь.

Великий пролетарский писа-тельсь Алексей Максимович Горький сёрмадсь советский школьникненди:

«Советский Союзть од азо-ронза, тинь обязаттада содамс эсь странянтень природнай со-кровищанзон, конат ащихъ пях оцю моданьконъ повер-хностенц лангса и кяшфт сонь недравзон эзга».

Ня мудрай и простой валх-ненъ эрявихъ мяляфтомс эрь школьникти. Эрь школьникс обязан содамс, кода вете су-ронзон, эсь крайнц козя шинц, природат мазы шинц. Тянь эса оцю рольса туристский и краеведческий похоттненъ.

Петрушин ялгась канику-латненъ пингста тинь экскур-сионнай похотт Тархань ве-ли, коза шачсь русский лите-ратуратъ величайшай гениец М. Ю. Лермонтов. Тя похотть инголе ащи задача—молема тонафнеме крайтхъ и Лермонто-вонь родинанц, велеряйхненъ ширде содамс сонь колганза преданиятненъ и сёрмадомс синь блокноте или тетрадьс, кона максы оцю польза лите-ратуратъ тонафнемста.

Тяфтажа краеведческий по-ход Петрушин ялгась тинь Инсара лийть эзга Саранский-ста Алатыри, коса школьник-не кармайхъ тонафнемонза

лийть, растительнай и живот-най мирть, кочкайтхъ коллек-цият, нагляднай пособия, ти-хитхъ исследований.

Интереснайста пионерхне кармайхъ ётафнемост кани-кулатненъ пионерский лагерь-хненъ эса. Синь тачиень пингть аноклайхъ, штоба ла-герьса тонадомс лама тевс. Аноклайхъ географический картат, физкультураса зани-мадамаса снаряд, налхксеме го-родок. Синь кармайхъ максо-ма БГТО-нь, ПВХО-нь и ГСО-нь значокс норматненъ, кармайхъ ару ведьса эшлякшнema.

Лама школьник кармай ра-ботама колхозса паксянъ тев-са, тонафнема физический трудти. Минь эпохастонк аш кода явоштомс умственной трудть физический эзда. Тянь ламоц цебарьста шарьхкодезе и тонафнихъ разнай работас, разнай ремеслас.

Сяда интереснай кармай улема работасна юннаттненъ школьной участкаса. Синь касфтыхъ од растеният, тиен-дихъ опыт животнайхненъ мархта.

Полезнайста каникулатненъ ётафтомасна: экскурсионнай, краеведческий похоттне (крайтхъ, районть, велеть, по-селкатхъ тонафнемац, полезнай ископаемайнъ вешендемась), кохостни лездомас аф аньцек школьникти тинь польза, а сон сяка пингть максси оцю лезкс родинати, социалистический хозяйстватъ развитиянцы. Эрь школьниксь — коммунизмат инкса борец. Сонь васен-це долгон — касомс дос-тойнайкс и способнайкс пре-краснай родинаньконди.

ЗАБОТЛИВАЙ АЗОРХТ

Вов школьной пересъ. Ванат лангозонза и пара мялест. Арьсат: заботливый кяльть тяся работасъ. Площадсь шу-вондф паньдекс, эрь паньтть лангса касыхъ растений и певаст озфнефт шуфтонят, ко-нат нолдасть ляпе, парьх-чикс ащи, лопаянт.

Тя юннаттненъ работасна. Синь келесост тачи участкат инкса заботендайтхъ. Пересъ явонфт башка классовая, эрь классъ касфты растений, ти-енди опыт программнай мате-риалть коряс.

Юннаттне школьной переса работайхъ живойста. Коллек-тивти оцю лезкс максихъ Щетинина и Митрофанова учи-тельнипатне, конат тачи ке-моктафт тейст руководителсь.

Интереснай работасъ. Но ли-сендсь стама явления, мзярда организовандавсь юннатонъ кружокс, кой-кона ученикне корхнестъ:

— Тисастъ тевть. Ван-цаськ, мезе лиси. Но ня мял-хне эрясть аф куватьс. Кру-жокс кармасть вийста работа-ма, кармасть сатнема васенце сатфксненъ. Коллективть вийц кармасть касома.

Васенда юннаттненъ мархта работасъ ськамонза Щетинина

ялгась. Ваномок полезнай и интереснай работатхъ лангс, кармасть лия преподавателсьне-вок кружокса работам. Тяфта сотозе эсь преподавательский работанц практический опыта Митрофанова ялгась.

Тяде синь кармайхъ касф-тома шурьхкат, пурьхкат, панчфт, помидорат и лия пе-ренъ сёрот. Касфтыхъ кстыхъ, «Виктория», инезихъ.

Оцю интереса юннаттне якайтхъ куднумолснон, сеельс-нон, корожснон, саразонъ леф-ксыкаснот и лия животнайснон и гармоньснон мельге. А Боро-дулина Нинась касфты келазь лефкс.

Тя келазь лефксыть юннат-тне кувдазь тяде и сонь мельганза якама кемоктасъ Нивать. Васенда келазь лефк-скисъ пелель, куватьс ашезь тонаткшне, но савор-савор кар-мась эсь азоронц содамонза. Но сон аньцек Нинати тонадсь, а лиятненъ эзда пели, ярхам-пальге аф сяви лиянь кядьста.

Нинась корхтай:

— Касфтса сонь оцю ке-лазъкс и ванцаськ, мезе марх-тонза ули, тонады или аф ку-доннекс?

Активный участия примайхъ школьной переса ученикне Ми-лешинась, Матренинась, Ключе-ва Нинась, Короткова Антони-нась, Терехинась, Зайцевась, Ульяновс, Голушкинц и лият-не.

А. Сашко.

Саранский р-н.

ОЦО УРОЖАЙНКСА

100 пудовой урожайть сато-маса важнай условиякс ащи честнайста и добросовестнайста работамась. Аньцек цебарьста работазь можна эсь пингстонза пашкотышнемс хозяйственной работатненъ.

Тянь аф кальдявста пях-котышнесазъ Мамолаевский МТС-нь 1-це № бригаданъ трак-тористне. Тяфта трактористъ Кафтайкин ялгась фалу нор-манц пашкотышнесы 170 про-цента. Эсь работанц инкса поль-зовандай оцю авторитетса.

Сонь лагонза работайхъ тачи бригаданъ и лия трактористне-вок. Кочин, Самодоров, Ведяш-вин, Тронин, Панкин тракто-ристне эрь шиня нормаснон пашкотышнесазъ ламода вельф, 150—155 процента.

Трактористне эсь трактор-снон кирдсась порядкаса, це-барьста ладязь тракторхненъ мельге технический якаматъ. Вавфтыхъ лама горючай.

Сараев

Рыбинский район.

Сёронъ урядама кампанияти

Ня шитненъ «Ст-Больше-вик» колхозсь аделазень яро-вой и зерновой культуранъ ви-деманзон и ушедсь вишкста аноклама сёра урядама кампа-нияти. Плотникне ушедсть пе-темост грандасненъ, кузнецсь—велень хозяйстванъ машинат-ненъ. Колхозсь нумать васъ фтьсы сембе ширде анокста.

Ив. Невкин.

Сире Синдрованъ р-н.



ЦЕБЯРЬ ТЕВТЬ УШЕТКСОЦ

Рана шобдава, валдомкшни. Шинясь нинге ашезе няфте эсь валда шаманц. «Моселектрик» колхозт пирьфста дружайста срхкасть комсомолецне марса жизнерадостнай од ломаттнень мархта паксав. Тяс эряви тиес лама тевда. Тянь колга синь корхвесь эсь комсомольский собраниясн эсовок.

Пачкотькшнемом работама востозост, а сембодонга пняк молебачк эсь ётксост спорсест, корхвесь сянй колга, кие ули сембода инголе. И аф лама шиде меле кивок ашезе карма корхтама «кие инголе», а корхвесь ни «кие ули моледец». «Моледец» валть кармасть шарьхкотькшнемонза стане: кие сяде лама и сяде цебярста работай, ся и моледец. Позда илять, работасн аделамда меле ушеткшнесь ётксост задорнай рахамась кие аф моледец корхнемасн пингста. Тяс пингт азондозь фкя-фкянди, мес аф сембе моледец.

Весть, пуромомок марс, фкясь азозе, што рахсемась аф пняк цебяр, эряви лездомс фкя-фкянди. Тянка и тердсть фкя-фкянь соревнованияс. Валомне, но цебярста кемокнесь од ломанень коллективсь, арсесь сяде дружайкс, сяде виюкс. Ламос дивандакшнесь лангзост кой-кона колхозникне. Пльне сятка, конат лувондовсть инь цебяр производст-

венникос. Сидеста корхвесь: «Таки сави тонафнемс однятенъ эзда». И виде, сембе колхозникне кармасть эздост сявондеме кепотыкт.

Работаса касфтозь эсь авторитетсн комсомолецне. Комсомолець Паршинц, кона сидеста улэндсь моледец, норманц пшкотькшнесте пятай эрь шиня 130 процентс. Сонь мархтонза саялкаса виде комсомолець Совловсь аф ламода ляткшнесь. Паршинц максь вал сембонди, што Совловське кармай работама цебярста. Тя тевса аныцк эривсь ялгань лезкс.

Курокста тя инициативать фатязь районь комсомолецне и од ломаттне. Синь корязост кармасть касфнема трудонь производительностьсн лия колхозонь комсомолецне и од ломаттне: трактористне, сокайхне, видихне. Ромодановский МТС-нь кемоньце тракторнай бригадань трактористь Таранец комсомолець колеснай тракторса сокась 150 гектар, нормат коряс эриволь 118 гектар.

И тяфтане работакшнесь комсомолецне. Синь сембе виный пугозь оцю урожайть получаманц инкса видесть, сокасть и инзасть колхознень кели паксясн эса. Честнай трудсь сядонга пняк кемокнесь колхознень козяшисн.

Митрошин.

Ромодановский район.

Совещанияста

Аф кунара парткабинетса улсь ётафтф первичнай комсомольский организациянь и первичнай парторганизациянь секретарьхнень мархта совещания, коса путневсь массовай профсоюзно-комсомольский кроссти и пионерский лагерьхнень анокласть колга кизефкссь.

Тя кизефкссь колга корхтась ВЛКСМ-нь райкомть секретаренц заместителец Безруков ялгась. Сон эсь выступленисонза тердсь, штоба районца сембе комсомолецне и аф союзнай од ломаттне улельхть участником кросса и занялезь 1-це вастть, афолезь макс лянди якстерь переходящай знамять.

ВКП(б)-нь РК-ть секретаренц Яшкин ялгась корхтась сянй колга, штоба первичнай комсомольский секретарьхне примальхть активнай участия массовой профсоюзно-комсомольский кросст эса. А тяфта жа Яшкин ялгась тердсь секретарьхнень эса, штоба макс оцю лезкс пионерский лагерьхнень анокласть эса.

Ив. Паршин.

З.-Полянский р-н.



Куриловский средний школань (Ромодановский р-н) 7-це класста пионер-отклическ Фадеев Макарь омбоце низось вяти шефства колхознай алапашь лангса.

СНИМКАСА: Фадеев Макарь «Ларчик» алашанц мархта. Фотось Канифатьевть.

КАРМАЙХТЬ ТОНАФНЕМА ВОЕННАЯ УЧИЛИЩАСА

Ламоц Больше-Березниковский средний школань ученикне азозь эсь мялсн молемс тонафнема военной училищас. Кемонце классонь учайхайхне Лукашкин и Ворожейкин при-

мафт комиссиять мархта кавалерийский училищас. Зубенков ялгась кармай тонафнема артиллерийский училищас и Лихеевсь — оружейно-технический военный школаса.

КАФТА ПРУТТ

Оцю роль велень хозяйствать эса кирдихть водоемне, коста валондовихть лама востова колхознай паксятне. Пруттнень эса водендавихть калхт. Тя сембе лезды колхознай хозяйствать кеподеманцы. Тянь лац шарьхкодезь Изоси-

мовка велень колхозникне. Тя тундане шувсть 2 эшхть, а тани дружайста ушедсть шувоме 2 прутт, колхозь кармай водаяма калхт.

Ник. Кучин.

Ковылкинский р-н.

Запросне аф пшкотькшневихть

Касыхть Н-Шенина велень колхозникнень культурнай запросна, но синь аф пшкотькшневихть. Тячнен шить самс велеса алак панчт клуб, коса трудящайхне ётафилезь ба эсь досугсн культурнайста.

Ламоксть колхозникне шарфнесть тянь колга мяль, но велень руководителхне тянь козонга аф путнесазь.

Немолев.
С.-Синдровский район.

Европаса, Африкаса и Азияса войнась

(12-це июньта военной действитнень дневниксна)

Англо-германский фронтса тага вишкомсть авиациять действиянза. 11-це июньта шить и 12-це июнень карша веть, корхтави германский командованиять сводкасонза, германский самолетне атаквандасть Южная и Центральная Англияса военной важнай объект. Германский подводнай лодкась ваяфтсь английский торговый суднат 22.700 регистровой брутто-тона общай тоннажса. Сяка жа вене английский авиациясь тись валет Рурть лангс. Кода азонды Рейтер агентствась, бомбардировкань главнай объектоке улсь Дуйсбургсь и Дюссельдорфсь.

Английский самолетне стане жа бомбардировандазь Булонь, Кале порттнень и Роттердамса докнень.

Средиземнай морять бассейнаса военной операциятне инголькекс молихть воявай ширетнень авиациясн действияс.

Севернай Африкаса, Тобрукть видеса фронтса, молихть артиллериять действиянза.

Восточнай Африкаса, Абисинияса, бойхне инголькекс молихть Галла-Сидамоть областса и Гондарт районца. Итальянский командованиять сообщениянц коряс, итальянский войскавне английский войскавтень виныфтф люштамасн эзда потасть од позицияс. Эритреяса, корхтай Рейтер агентствась, англичатне 11-це июньта занязь итальянский Ассаб колониять — омбоце портонц.

Сирияса стаки молихть пняк вишке бойхть фронтть сембе участканзон эса. 10-це июньта илять и 11-це июньта шобдава, корхтави французский сводкасть эса, англичатне бойс нолдасть од частьть и тисть лама вию атакат французский позициятнень лангс.

Ливанть юг ширеса английский эскадрать лезксонц мархта австралийский войскавне шаштсть инголи Нахр-эль-Касимия ляйть эзда север ширеса побережьять квалмос. Юнай-тед Пресс агентствась азондсы, што английский и деголлевский войскавне ашихть Бейрутть эзда юг шири 35 километра вастса. Французский ис-

точникнень сообщенисн коряс, вию бойда меле англичатне занязь Мерджайунть.

Хермонт и Джабель-Друзть ёткса районть эса 10-це июньта илять французский войскавне авиациять лезксонц мархта тисть лама местнай контратака и лоткафтозь Кисветь эзда юг шири английский колоннатнень и де Голль генеральт частензон, конат молихть Дамаскть шири. Тя районца бойхне стаки молихть.

Гавас-ОФИ агентствать военной обозревательн корхтай, што Мерджайунть и Эль-Кунейтрать ёткса фронтть центральный частьсонза французский позициятнень удобнайхть оборонанди. Англичатненьди, конат молихть Иордан ляйть долинац эзга, эривксты куцеме 1000 метрань сереса высотас. Тяс ули огромнай обрыв, конац может араме французский войскавтень оборонительнай рубежкс.

Восточнай Сирияса английский мотомеханизированнай колоннась занязе Дейр-эз-Зореса аэродромть.

(ТАСС).

ФРАНЦУЗСКИЙ ПРАВИТЕЛЬСТВАТЬ ОД ПРОТЕСТОЦ

Кода азондсы Гавас-ОФИ агентствась, 11-це июньта шобдава Испанияса французский посолсь Пьетри макссь Испанияса английский посолти протестонь од нота Сирияса английский военной действитнень колга. (ТАСС).

АВСТРАЛИЯНЬ ВОЕННАЯ МИНИСТРЬ ЗАЯВЛЕНИЯЦ

Кода азондсы Канадион Пресс агентствась, Австралиянь военной министрсь Спендер азозе, што Австралиясь макссь США-ти лама легкой танканди закаст. Спендер корхтай, што ня танкатнень пачфнемасна ушеды маластонь пингть. (ТАСС).

НОКСОНЬ ЗАЯВЛЕНИЯЦ

Ассошиэтед Пресс агентствать сообщенинц коряс, США-нь морской министрсь Нокс марьгсь печатень представителхненьди, што морской министерствась маластонь пингть, улема, тии несколько торговый судна аф оцю авианосецонди, конатнень эзда каньнайс арьсеф 25 самолетонди. (ТАСС).

ПРИМСЕВИ ПОДПИСКА

1941 кизоди республиканский комсомольский

„КОМСОМОЛОНЬ ВАЙГЯЛЬ“ газетати

Газетать питнец:

1 ковс 1 ц. 20 трешник
2 ковс 2 ц. 40
3 ковс 2 ц. 60
6 ковс 7 ц. 20
1 кизос 14 ц. 40 трешник.
Подписать примсесазь сембе почтовой отделениятне, агентстватне и письмоносецне.

ПРИМСЕВИ ПОДПИСКА

1941 кизоти пионеронь

„Якстерь галстук“

журналти

Журналть питнец:

1 ковс 40 трешник
3 ковс 1 ц. 20 трешник
6 ковс 2 ц. 40 трешник
1 кизос 4 ц. 80 треш.

Подписать примсесазь сембе почтовой отделениятне, агентстватне и письмоносецне.

Ответ. редакторсь
И. ЧУДАЙКИН.